

井與江之足據乎或曰舊志山在城東南八里今饅頭嶺稍偏東而里不止八何也按所謂東南者舉其大勢而言也故又繫以迤邐之辭至於里或未符不惟此山矣舊志本無開方之數所記有時而差此與圖所以重開方也

今考台浦山脈悉屬句漏支脈自廣西迤邐而來其主幹為泗洲山綿亘於靈山邊界北出為大壯嶺天柱山有沙尾騰柯丹竹三隘之險扼橫州貴縣之衝從前防西寇之西道也東行為石牛嶂折而南為句頭嶂北端成倒扇狀如鈎之倒立突兀巍峨邑中之奇峯也晒穀頂鷄距峯菩薩嶺等峙立其側儼如垂拱之狀自是岐為東北西南二支東北者為本省珠江以南之幹山其在本邑者為六萬大山距城三百六十里峯巒盤結巖峒深阻縱橫約百里連亘博白鬱林興業三州縣本縣第一大山也其最高峯名母猪頭冬季結冰至春始解草木不生惟蘚類生焉其南有五峯山山腹有明代古菴李孝子墓西南出者為仙梅嶺距城二百八十里為獅子嶺距城二百七十里以產茶著為霧霖嶺一名大暈嶺距城二百四十里蜿蜒南下曰通天曰馬蹄縱橫連綴數十里統名五黃嶺若牛欄嶺大石嶺天堂嶺其餘峯也循武利江南下為應石山二峯壁立中央江流其餘脈若卸馬嶺珊瑚嶺止於洪潮江之濱大廉山脈則自博白東南來即句頭嶂東北出之幹山餘脈繞入者其始峯曰馬子嶺自是西行作井行脈構成六湖峒諸山山勢崎嶇僅有秀村徑乘馬徑陳屋徑高村徑牛牯徑人頭徑等要道與公館開口石埔及博白交通皆羊腸鳥道往來不易北出者為白塾嶺白石嶺止於常樂江之濱偏南之脈為福祿嶺天塘嶺止於開口江之濱偏北之脈至大陂頭折而西南行為佛子嶺火通嶺等復折而南為青山大嶺梯齒嶺等直趨南下則為冠頭嶺與濶洲之八村山隔海相望由馬子嶺東南行為白石嶺亦作並行脈構成箕形之香草江其偏東之脈經羊耳峽復入博白偏西之脈如白蓮山望海嶺等循白沙江以抵於海至西部若烏家之雲霧山大王嶺等則自欽州西南來亦泗洲山之餘脈繞回者也

據林翼中台
浦地理志

輿地志

河流

府志載廉江城北三十里卽合浦江源出廣西容縣大容山經鬱林博白至黃丙江入合浦界南流至府城州江口分支爲五曰州江王屋屯江白沙江大橋江新村江環流郡南入於海 按州江實分爲四水其州江新村江俱從南流分派繞城之西卽廉江也王屋屯江爲第二渡白沙塘江卽猛水江爲第三渡大橋江卽上洋渡以上諸水俱由三汊港入於海 晏江卽石康河也從廣西博白縣黃丙江入合浦界循油灘而下至石康又曰晏水 雁池城北二里其水環繞雁常宿此

五里水城北五里源出松木嶺西流繞城入州江

馬蝗塘城北五里由州江通王屋屯江江水漲時可通舟楫

猛水江城北十里自廉江分流第三渡入海

石灣江城北二十里又曰大灣江源出牛嶺西流繞城會州江

州江水城北二十五里地名州江口

古攬江城北八十里源出歸德鄉六寶村由博白縣界永甯鄉經廉江入海

明月溪城北八十里水光湛然如月色又號月石

武利江城北一百一十里源有三一自歸德鄉小雙山一自靈山張濛山一自萬安鄉樹誠嶺會於武利埠南流經城西入海

張濛水城北一百五十里發源東堂鄉經濛屯江南流入海

綠雲溪城北一百七十里

龍門水城東三里源出龍門嶺西流分爲二支曰源頭曰龍門環城北會南津水入於江

南津水城東三里與洗魚酒篠二水皆發源於薛屋嶺及劉公埔珠母水二支皆分流城之東南合龍門水由九頭埠入廉江
劉公埔水城東五里源出城東之硃砂嶺

白鴉江城東十五里源出青山麓西北經大嶺村流入清水江達州江入於海

壓馬江城東十五里源出六湖峒由陳調入廉江

金銀水城東八里

清水江城東十五里源出青山嶺西北流繞城入廉江

按廣東輿圖云清水江又名金鷄水周志分爲二未知孰是

烏木江城東四十里源出大廉山西流經舊石康縣一里入廉江

鴉洲城東六十里大廉洪中石山戴土林木繁陰嘗有萬鴉集宿故名

州江港在城東六十里

新寮開江城東六十里源出母鷄山流入大廉港每潮長車馬難渡成化間僉事林錦建木橋以濟往來砌開以時啟閉實一郡之咽喉也

雙根江城東百里源出博白縣榮草岸南流入海

香草江城東一百里畔有香草故名

白沙江城東一百二十里有白沙渡往高州大路源出博白界榮草岸橫江田香草江南流至白沙塘江達榕根港入海

思鄉水城東北五里源出舊石康縣思峒山至武利江復回入晏江以去故名 按思鄉水下溪水寰宇記云皆廉州之水

張沐溪城東北八十里源出縣境東堂鄉之張濛溪經縣東注於此又南流入廉江相傳昔有隱士張沐曾居此因名
銅船湖在縣東北登高山之陽今湮交州記云湖去縣四十里每陰雨輒見銅船出水相傳漢馬伏波曾鑄銅船於此

方輿紀要

洪潮江城西北三十里 通志作四十里 源出靈山博城鄉東流至西村南流入廉江

沙兒江源出縣西北七十里半邊山

三汊港在縣西南三十里 大清一統志

高德港在縣西南四十里

蠻港在縣西南五十五里

大觀港有湖西通九河江江口有赤羊塾蛋人取蟻於此相傳漢馬伏波征交趾時駐軍合浦由外海運糧恆苦烏雷風濤之險
及海寇攘劫之患遂以昏夜鑿白布蜂腰之地以通糧艘此河可通龍門七十二徑直抵欽城其鑿掘處約長七八里闊五六丈
深三四尺今兩頭潮相通但中間湮塞此水一開實欽廉舟楫之利明嘉靖知府張某欲鑿之不果 通志

廣東輿圖

榕根港在城東一百六十里又二十里為英羅港即官寨一名官岩港與石城交界源出廉西博白縣

總江縣西十里名第三渡會處、潛口村

上洋江縣西二十里有渡

雁湖縣西七十里相傳湖中常有雙雙雁游於其間因名

鐘灣城南七里有灣接江通海宋政和間靈覺寺鐘一夕飛去既明懸空而下鐘猶濕人言灣中每夜有鐘聲謂必與龍巖寺僧
鑿其頂上之龍角乃止至今灣中風起有物大如車輪藍色湧出波心 大清一統志

大河江城南三十里源出望牛嶺南流由武刀港入海

金鷄水在舊石康縣二十里昔有金鷄浴於水故名

橋達水 周志作勝達水 在舊石康縣東三里

珠母水源出府東之峽嶺

小江自上寨墟十五里至觀音菴有廣西城隍墟河東西會流夏秋水漲可容小艇觀音菴十里至土狗墟以河心爲界東合浦西興業土狗墟以下俱屬貴縣自土狗墟至佛子灘二十五里佛子灘至大郎灘十里大郎灘至九馬灘三十二里至貴縣大嶺江口通梧州大江

黃藤江漆桐江源出永平司北流入貴縣之薌江與赴省江會合

狼麗江源出博白縣西行由永平司與黃藤漆桐二江會合

龍殿江在永平司土狗墟四十里

開口江紅嶺亞婆田發源經沙壩田合壩水及大陂頭水南流入海

翠債潭又名再潭在大康山下深數丈圓如月中有石相傳昔有仙聚於此

石荒溪在古大廉縣 元和志

武綠溪在故營龍縣東西三里 元和志

郡城二湖龍門水由龍津橋穴城西入繞試院左洩爲湖曰北湖舊爲府著魚地又南出雲龍橋後匯爲湖曰南湖又穴南城而出入於江

右採錄府志

附知府張育(土旁)春州江記

慶州負山臨海號稱澤國而言水利者必溯源於江先兩道海之義也江水發源於西自廣西鬱林博白匯黃武利諸水合爲廉江至府城之北析支爲四其第一支曰州江引廉江水下注折入城之西偏水勢至此紫洄環繞亭（水旁）畜浩淼之營由廉入海之要津也慶爲海疆一大都會灌溉近郊田畝引鹽挽運關餉輸將商賈百物之流通浮於海達於瓊惠潮惟此江是賴前入於江水洄旋處建海門書院集郡邑文學之彥觀濶於此占者言西水最貴從前郡邑科甲之盛亦由於此則州江疏濬之役其可緩乎道光七年余奉簡命出守慶州閱府志前明正德間厓濬屢淤嘉靖時開東岸以寬其上流之勢兩壘石磯一時江水甚爲暢達後亦淤塞至今石磯無存其基址亦不可考國朝周何兩太守一再濬之不久沙積東岸廉江改折而西距東岸州江口甚遠水不得入余刺舞親往相視江口已沙積成阜近口五六里之地彌望皆沙無所爲計集紳士籌議久而未決道光十年秋復經其地邑紳沈義文建議以爲水口之窒塞由於沙壅若仍就沙地開口勢不能經久宜就東岸泥土堅實處爲之其言其爲近理迺大集紳士謀之於廉江上流東岸得瓦窰塘地一所泥土堅實無沙闢爲江口合於州江舊渠以達於城西環流入海爰籌度經費擇人慮事筮日量功於是年冬十一月興工越明年三月渠成役丁以萬計費制錢四千萬有奇是役也得力在開土岸爲口以避沙漬又於橫江壘石磯長若干丈蓄廉江水入口逼水勢使之悍迅沙不得停足爲此江億萬年無疆之休抑余更有說焉由江口達於州江舊渠泥土堅實無沙患矣而舊渠至府城旋折三十餘里之地皆浮沙水激則沙行秋冬水勢稍殺仍不免淤塞石磯用松木梅花椿壘巨石爲之基雖穩固亦難保久而勿壞則歲時疏濬保護之方宜深思熟計以防患於未然今者興大役動大眾民亦勞止不可以重役遠慮者於物力稍舒時集經費權子母貯之公所以待不時之需允足爲此江經久之計也渠成綜其始末原委記之以告後之關心水利者

附李懷本龍江考 平園文集

龍門水曰龍只舊志載龍門水城東三里源出龍門嶺西流分爲二支曰源頭曰龍門環城北會南津水入於江又載郡城二

湖龍門水由龍津橋穴城而入繞試院左洩爲湖曰北湖舊爲府署魚池又南出雲龍橋後匯爲湖曰南湖又穴城南而出由前之說則環城而入於江矣由後之說則出南城而入於江矣一水也忽北忽南日久訛沿遂開疑實是不可不辨也按康守基田康州紀事載尋龍江故道引源頭水自龍津橋西流繞城南入於康江馮太史敏昌撰康太守德政碑載東南舊有龍江本通海乃從龍津橋尋故道淤者剔塞者開西流繞城南以達於江據此則龍江本南流矣曰故道明非新聞也曰龍江曰源頭是一水也尋而引之亦剔其淤開其塞而已夫江既淤焉知南流者不卑折而北流乎大抵志所載當在康守未濬江之前所謂環城北者改流之道也所謂出城南者故流之道也江既遇水不能不激而北行水雖北行而南流之道猶在也是以兩說之支流歧出涇渭難分不有康守百年後將并其源而失之矣故考龍江者必以康守爲主

今考合浦以康江爲幹流西源曰定川河出廣西興業之南山東源曰藍綠水出容縣之大容山至鬱林城南而合南流五十餘里於東岸受橋麗江獅子嶺二水至博白城西曰沙河又西南流百餘里於西岸受綠珠江浪島江水東岸受大白江周羅寨水出廣西界入本境曰黃丙江西流四十餘里於北岸受福旺江水折而西南流五十餘里於西岸受張黃江水曰羅成江又西南流三十里於西岸受武利江水始名康江南流十里於東岸受烏木水再南流十餘里至州江口分爲四支曰州江曰王屋屯江曰猛水江曰大橋江大橋江西南流由北海港入海餘三水均南流由三汊港入海約長四百里

福旺江源出福旺楓木水南流入小江境受六流高基埔新村龍村諸水水勢始盛南流百二十餘里至石州區乃注入康江張黃江匯出龍門之青山嶺南流七十餘里至張黃折而西南流二十餘里於舊州墟之西注入康江

武利江之源一出小雙山一出張濠水一出榭誠嶺三水於武利墟合界南流五十餘里至多蕉墟注入康江

清水江源出青山嶺注入州江

洪潮江源出博峨鄉注入大橋江

白沙江源出榮草岸西南流於西岸受香草江水東南流經白沙墟旁入山口境復折而西南流由蓉根港入海

開口江源出六湖之紅嶺西南流受沙壩田大陂頭諸水南流經開口墟旁折而東南流由梁屋港入海

丹竹江源出靈山之楊梅洲南流受平銀江水由大觀港入海

洗米河源出博白縣之南山南流經石城縣由英羅港入海

賣掉江源出火通嶺流入白龍港

大水江源出望牛嶺流入武刀港

南庸江源出多壩嶺流入珠場港

田子江源出火通嶺流入梁屋港

沙兒江源出半邊江流入三叉港

西場江源出雲霧山流入蠶港

由合浦流入廣西者則有漆桐江其源曰狼麗江出博白六官峒堡西流受六良石旁一江水西北流受黃勝草頭一江水北流入

廣西之貴縣注於鬱江 據林翼中合浦地理志

附錄

✓合浦縣治附郭以廉江為巨流域北三百諸山為分水均山北永平司東境欄門漆桐狼麗諸江至九汊汎合流通舟楫經土

久墟北三里至貴縣境入鬱江西境樂民諸江會靈山奈何江經橫州境博合墟入鬱為北道諸水山以南古攬張黃武利

洪潮諸江皆西南流會廉江入海

廉江有三源正源出廣西容縣大容山經北流縣境折而西南流百餘里至鬱林境曰思賀江東經茂林鋪循城南西流會廉

望綠鴉穿江諸水曲折南流三十餘里至新橋西 一源東出陸川縣白羊諸山發源曰回龍江西流百餘里來會 一源出興業北斗山南流百餘里岑江東流數十里經福棉墟來會 三源既合勢甚盛可通大舟五里至船埠便於輸運折而西南流百里南立江自西來會又西南流數十里經博白縣城西綠珠江自西來會又南流十餘里稍西有環玉江自東來會浪馬江亦自西來會又西南流三十里受西來頓谷江諸水又西南流二十里有水東自九岐山合北流百餘里來會又折西南流二十里經將軍山晏石山下又西南流十里至馬門灘灘長二里巨石槎牙一木旁 舟行湍折又西南流二十里至沙河復南流三十里經白菱角墟又西南流十餘里至馬口

古攬江自歸德鄉發源經福旺小江馬頭太平各墟南流二百餘里來會江之東北岸爲博白界西南岸爲合浦界又西南二十里經石埔墟入境受東來黃藤江諸水自此鎮曰廉江南北全爲合浦地又十里至新渡西南流十餘里至達里折而西流二十里至楊柳渡又西流十里至舊州北里許即漢合浦郡唐廉州舊治又西流十里至江口

張黃江自西逕合龍門江馬欄江經張黃蒙屯村南來數十里來會折西流二十里至王侯渡又西南流二十里經常樂墟又折流二十里東受石狗江諸水經多蕉墟南又西流十里至京竹寮又五里至武利江口

武利江自泗洲山發源經古立三合北塞各墟西流數十里至武利墟合靈城南嶺諸水西南流經白石水穀埠文利豹狸各墟曲折行二百餘里來會水勢益盛江面益寬又西流二十里至犀牛灣分一支曰新江南流三十里經察部塘至石康墟西至文塔下

廉江自犀牛灣西南二十里至大坡木水江東受火通嶺諸水又西南流二十里經石康古城塔下復合新江又折西南流三十里至州江口分支會清水江四十里至府城西門江經海角亭西南流至老歌渡循九頭山折東南流經洪屋淀大營水旁渡訖壟九份田草鞋汀入海

廉江正流復自州江口南流十里至猛水經白花塘沙兒江半邊嶺西北流來會又西流十里至猛水渡五里至濁水分支爲王屋屯至濬口復合廉江正流

洪潮江發源於靈山博城鄉曰蜜蜂江至叉口下三十餘里合黃茅江西南經烏土大麓百餘里來會又東南流二十里經上洋墟曰上洋江又西南流四十里至白沙江折東流十里至南城又南流十里至沙岡渡又南流二十里至沙浪江復與海山大江合

自濁水西五里至公鵝灘分一支西北流至新屋江渡自公鵝灘西南流二十里至鎮江口復合王屋屯江西流十里至大溝口折西南十里至泥江口分一支自泥江口西流十里曰三叉埔十里至海山折西南流至北城五里至沙浪江復合上洋江又五里由筋竹港瀾泥溜入海

廉江正流至小燕子入海泥江口東流十里至黨屋埠折西南流十里至包口埔復分流東一支十里經穿牛鼻分上下流上支逆北上至洪屋淀通西門江下支南流三十里經白塘埔由針魚墩入海包口埔西南流十五里至榕木頭十里至坎角渡下五里分爲二流一支西流十里至木寮中大燕子入海一支東南流十里經鼈埔東土地由竹頭沙入海

龍德俊採訪稿

按此說與林志詳略不同錄之以備參考他日測量事竣乃衷一是